

Friday, June 6, 2025

Time - 2:30pm

RAILWAY

Bairabi atanga Sairang pawh Rel kawng engkim peihfel anih hnuah vawiin atangin Commissioner of Railway Safety in a endik dawn a, June ni 11 thleng endik anih hnuah a him chuan rel tlan tan tir a ni dawn.

Akashvani palai nen an inkawmna ah Northeast Frontier Railway Chief Public Relation Officer Kishore Sharma chuan vawiin atangin rel kawng endik tur Commissioner of Railway Safety chuan Sairang atangin a endik tan dawn a ti a, hemi hnu hian a tah tawlin station hrang hrang a endik dawn tih sawiin a endik hnuah a report dan a zirin rel tlan tan tir theih ani tawh tih a sawi.

Kishore Sharma chuan rel kawng leh station chu engkim peihfel a ni tawh a ti a, Rel pawh vawi thum tlan chhin tir a ni tih sawiin he railway line hlawhtling taka an zo thei chu Mizoram tân hlawhtlinna rahbi pawimawh tak a nih thu leh tun atanga reilote ah a nihna tur ang taka hman theih an beisei thu a sawi bawk.

India ram zalen hnuah a vawi khatna atan Aizawl dai, Sairang thleng tura Rel kawng siam hi Sorkar laipui hmalakna pawimawh, Act East Policy tihhlawhtlinna pakhat niin, inkalpawhna tha leh tlawm bakah sum leh pai dinhmu tihhmasawnnana hmarchhak state te thlunzawm chu a tum ber a ni a, he rel kawngah hian Station pali: Hortoki, Kawnpui, Mualkhang, leh Sairang-Sihhmui Station awm tura ruahman niin, leiverh 32, lei lian 55 leh lei te deuh 89 a awm dawn a ni.



BAL VIVAH MukT BHARAT

Ram pum huapa kum tling lo inneihna tibo tura beihpui thlakna-National Campaign "Bal Vivah MukT Bharat" (Child Marriage Free India) chu Mizoram hmun hrang hrangah kalpui mek a ni.

Women and Child Development Department he hmalakna hi kalpuiin hmeichhia kum 18 an tlin hma leh mipa kum 21 an tlin hma a inneihtir an nihloh nan theihtawp chhuahin mipuite hrilh hre turin district tinah hma a la mek a, Mizoram ah chuan tihluihna ni lovin nau an pai avang te, an in ruk avang te leh inngaihzawwna in a hrinchhuah thildang hrang hrang te avangin nu leh pa/chhungten an inneih tur mai thin niin Department hotute chuan an sawi a, Naupang inneih tir chu The Prohibition of Child Marriage Act, 2006 hmangin kum 2 chhung hrehawm taka lungin tantir leh cheng nuaikhat thleng chawi a hremtheih anni a, mipa puitlingin hmeichhia kum 18 hnuailam a neih hrem theih ani tih an sawi bawk.

Women and Child Development, Mizoram, Director Pi Zoramthangi Chhangte chuan Akashvani palai nen an inkawmna ah Naupangin a hun hma a nupui/pasal an neih hian an zirna, hriselna, eizawwna, ngaihtuahna nasa takin a nghawng thin ati a, an theihna leh an thlen chin ti thuanawpin hmakhaw eng tak nei turte nun tam tak a tichhia a, hemi venpui tu tur chu nu leh pa, chhung te leh khawtlang mipui te chu an nih thu a sawi.

Director chuan dan zawm lo te chu Child Helpline Tollfree Number 1098 ah emaw, Women Helpline Tollfree Number 181 ah emaw thuneitute hrang hrang te hnenah a thlen theih reng a ni a ti bawk.



11 YEARS MODI GOVT

Prime Minister Narendra Modi kaihhruai sorkar kum 11 chhunga hmalakna hrang hrang thlirhona leh zirhona chu BJP Mizoram huaihawtin District hrang hrangah neih tum a ni.

Kum 11 chhunga NDA kaihhruai sawrkar hmalakna hrang hrang inhrilhhriatna hun hi nimin khan Mizoram State BJP Office Mipui Run ah neih a ni a, Lok Sabha MP Pu Kamakhya Prasad Tasa leh State President Pu Vanlalhmuaka ten thu sawiin

Pu Vanlalhmuaka chuan ramchhung state dangte rual a Modi a sorkarin kum 11 chhunga mipui rawng a lo bawl dan inhrilh hriatna leh Ram changkang siam a tum dan inhrilh hriatna a nih thu a sawi a, India ram retheihna avanga dinhmun chhe taka awm tawh chu Prime Minister Pu Modi tumruhna leh thawhrimna avangin kum 11 chhunga khawvel economy tha ber 4 na ah a hlankai a ni a ti a, ram hmasawna hrang hrang Kum 11 chhunga lo thleng chanchin te chu Mizoram chhungkaw tin te hnena hrilh hriatna atana campaign hun hi tun thla ni 9 atanga ni 21 chhunga neih a ni dawn a ni a ti.

Mizoram BJP President sawi danin Mizoramin BJP Sorkar nasa takin a chhawr a ti a, Pu Modia hnathawh avangin 2 lane leh 4 lane kawng, Sairang khua thlenga rel kawng a sial sakte, PM Scheme kal tlanga in nei lo mi sing 5 deuh thaw, chenna in a sak te, Gas Connection nei lo mi sing 4 deuh thawhin Free Gas Connection an neih dan te leh Tui Connection nei ngai lo te tui connection pek bakah Retheih avanga damdawi in tha pan thei lo te PM Scheme hmanga cheng nuai 5 thleng an hman theih dan te, Ek in nei lo ek In sak sak an nih dan te Loneitute PM Kisan hmanga tanpui an nih dan te chu an au chhuahpui dawn tih a sawi.

BJP Mizoram hian vawiin hian President Pu Vanlalhmuaka hovin Lunglei ah hun an hman dawn a, kar thar lo awm turah District dangah pawh neih chhonzawm tum ani tih an sawi.



11 YEARS MODI GOVT

Prime Minister Narendra Modi kaihhruai sorkar kum 11 chhunga hmalakna hrang hrang thlirhona leh zirhona chu BJP Mizoram huaihawtin District hrang hrangah neih tum a ni.

Kum 11 chhunga NDA kaihhruai sawrkar hmalakna hrang hrang inhrilhhriatna hun hi nimin khan Mizoram State BJP Office Mipui Run ah neih a ni a, Lok Sabha MP Pu Kamakhya Prasad Tasa leh State President Pu Vanlalhmuaka ten thu sawiin Pu Vanlalhmuaka chuan ramchhung state dangte rual a Modi a sorkarin kum 11 chhunga mipui rawng a lo bawl dan inhrilh hriatna leh Ram changkang siam a tum dan inhrilh hriatna a nih thu a sawi a, India ram retheihna avanga dinhmun chhe taka awm tawh chu Prime Minister Pu Modi tumruhna leh thawhrimna avangin kum 11 chhunga khawvel economy tha ber 4 na ah a hlankai a ni a ti a, ram hmasawna hrang hrang Kum 11 chhunga lo thleng chanchin te chu Mizoram chhungkaw tin te hnena hrilh hriatna atana campaign hun hi tun thla ni 9 atanga ni 21 chhunga neih a ni dawn a ni a ti.

Mizoram BJP President sawi danin Mizoramin BJP Sorkar nasa takin a chhawr a ti a, Pu Modia hnathawh avangin 2 lane leh 4 lane kawng, Sairang khua thlenga rel kawng a sial sakte, PM Scheme kal tlanga in nei lo mi sing 5 deuh thaw, chenna in a sak te, Gas Connection nei lo mi sing 4 deuh thawhin Free Gas Connection an neih dan te leh Tui Connection nei ngai lo te tui connection pek bakah Retheih avanga damdawi in tha pan thei lo te PM Scheme hmanga cheng nuai 5 thleng an hman theih dan te, Ek in nei lo ek In sak sak an nih dan te Loneitute PM Kisan hmanga tanpui an nih dan te chu an au chhuahpui dawn tih a sawi.

BJP Mizoram hian vawiin hian President Pu Vanlalhmuaka hovin Lunglei ah hun an hman dawn a, kar thar lo awm turah District dangah pawh neih chhonzawm tum ani tih an sawi.



EXCISE DEPT

Excise and Narcotics Department chuan kumin March ni 31 thleng khan ruihhlo thahnem tak an man a, heng zingah hian heroin kg 27 leh methamphetamine kg 67 chuang man tel a ni.

Excise and Narcotics Department thuchhuah tarlan danin May ni 31 thlenga an man te hi Heroin leh Methamphetamine bakah Ganja kg 133, Opium gram 945 leh crystal meth kg 48 te an ni a, heng bakah hian khuh damdawi 1748 leh Alprazolam tablet 23,649 bakah Tramadol tablet 3,033 an man bawk.

Excise chuan June ni 3 (Thawhlejni) zing dar 8:20 khan New Diakkawn, Chal lui veng, Kolasib-ah Methamphetamine nei nia puh mi pahnih – Lalbiakhnuni (kum

47) New Diakkawn, Kolasib leh Lalrinchhani (kum 42) New Diakkawn, Kolasiba khawsa nia inchhalte chu an man a. Excise & Narcotics hotute hmaa an inpuanna bawhzuiin June ni 3 chawhma dar 10:30 khan Tumpui Veng, Kolasib-ah Methamphetamine Kg 2 leh gram 900 leh hemia inhnamhnawih nia puh midang pali – Vanlalruaia (kum 60), Lalbiakchhunga (kum 34), Ahmad Hussain (kum 33) , Sadikul Haque (kum 23) nia inchhalte an man a. Methamphetamine phurh khualna atana an hman Suzuki Access Scooter pawh hrensak nghal niin heng Methamphetamine te hi State pawna hralh an tum mek laiin man an ni.

Ruihhlo vanga mante hi The Narcotic Drugs & Psychotropic Substances Act, 1985 tlawhchhanin thubuai siamsak an ni a, June ni 4 khan District Court, Kolasib-ah hruai nghal an ni.



11 YEARS OF GOVT

Prime Minister Narendra Modi chuan kum 11 chhunga ram mipuite tana a hnathawh Seva, Sushasan leh Garib Kalyan kaltlangin India chuan kawng hrang hrang inhmaawnna a hmu a, Akashvani chuan sawrkar hmasawnna hrang hrang pho chhuak in vawiinah chuan ramchhunga hnam chi tin te ropuizia phochhuahna leh hnam tin himna hmun a nihzia tarlan ani dawn a ni.

SFX

Kum 11 kalta atang khan India chu rawng chi hrang hrang a cheimawi ang mai in khawvel hmuhin a thanglian a, sawrkar chuan hmasawn zel turin nasa taka puin hmun kilkhawr thlengin he hmasawnna hi a hmuh theih a ni.

